

肉

卷

別

藏

江蘇古籍出版社

松雨軒詩集

慎齋集

東皋先生詩集

王徵士詩

慎齋集

江蘇古籍出版社



四庫未收書提要

擘經室外集卷五

慎齋集四卷提要

明蔣主忠撰按主忠字存恕儀真人與兄主孝皆以詩名時稱景泰十才子者主忠其一也是集共四卷詞旨清逸致為可誦考之朱彝尊所著明詩綜曾錄其芙蓉一絕句而此編古今各體計得二百八十餘首已為全稿無疑矣

慎齋集卷之一

淮南蔣主忠

名都篇

雄都啟天府甲第何崔巍高城壯百雉崇構軼浮埃前  
榮樹複閣後觀宏層臺華夷茲會同玉帛自相輝輿馬  
交四衢歌鐘日喧阗金章耀紫綬濟濟多賢才聖人坐  
明堂垂衣致無爲鴻圖鞏磐石稽首詠康哉

秋夜長

西風蕭瑟天氣涼井梧葉落露成霜秋河耿耿夜未央  
明月入戶流餘光蟋蟀哀吟鴈南翔思君遠隔天一方

山川萬里限河梁美人攬衣愁夜長  
夜長無寐遙相望

巫山高

巫山高高入雲層巒沓嶽沓莫分昔聞山頭下  
神女朝為行雲暮為雨襄王夢斷陽臺空十二  
碧峯何處所巫山高高入雲猿啼一聲那忍聞

蜀道難

吁嗟乎蜀道之難猿聲啾啾杜鵑泣行人欲度愁  
孔艱上有懸崖千丈障白日下有奔流萬仞飛  
狂瀾石棧委鮑倚絕壁欲行未行先辟易十步九  
却不可前以手撫膺增歎息男兒生當懷遠圖  
到此未免成躊躇君不見

伏波本是英雄士老去翻思下澤車

老將行

雪髯添新白金瘡對舊痕十年多難後百戰一身存飲  
馬長城窟看雲古塞垣防危孤劍在猶擬報君恩

婕妤怨

寂寞長門月淒涼團扇吟空懷辭輦意誰念泣魚心別  
殿笙歌迥深宮刻漏沉西風□相借庭樹減秋陰

閨中詞

夢覺紗窗乳燕啼驚魂猶訝在遼西自憐不及青青外  
萬里還能逐馬蹄

閨門柳枝三首與沈通理蘇秉衡同賦

寂寞吳宮迹已荒殘山剩水幾斜陽多情最是垂楊樹  
猶送飛花入苑牆

數枝裊裊翠烟微零落殘花□燕泥化作青萍應不恨  
忍隨流水各東西

拭目門前幾萬條藏烟瑞雨自蕭蕭不知西子能傾國  
猶向東風學舞腰

感寓

金陵佳麗地巍巍帝王都朱門耀丹戟華珮鏘瓊琚晴  
槐結高蓋細柳蔭清渠借問此誰家云是列侯居填門

半豪傑唯諾爭奔趨一朝勢已傾賓客日漸疎閒門閉  
秋草陰堦翳寒蕪嗟嗟楊子雲棲跡依衡廬抱策無所  
干獨守太元書雖無軒冕榮終歲恒晏如

冬日閒居有懷王善甫

閒庭寂無譁衡門斷塵鞅居閒趣自適撫景愜幽賞梅  
風度奇馥竹雪墮清響載咏停雲詩令人起遐想

石城秋日

紅樹青山澹夕暉石城秋色正依依夜涼江浦聞鴻度  
霜落秦淮見葉稀故里風烟歸夢遠舊遊池館昔人非  
天涯兄弟遙相憶想見他鄉已授衣



揚州懷古

欲詢往事重堪憐  
錦纜曾來記昔年  
無復瓊花存故跡  
空餘楊柳帶朝烟  
夕陽野戍寒鴉集  
候火江邨客棹連  
惆悵舊時歌舞地  
斷堤惟有草芊芊

送于指揮之雲南黔公麾下

蠻荒萬里瘴烟銷  
一騎臨邊不憚遙  
烽斷雪關山寂寂  
雲連金馬路迢迢  
燈前對酒時看劍  
帳下彎弓曉射鵄  
聞道主軍多遠畧  
漢家今數霍驃驍

胡孝子尋母

孝子斯人從父謫雲南失其母二十  
年後以識其鄉音得于京師

江湖何處覓慈闈  
泣向南天誓不歸  
落日心摧烏鳥哺

西風魂斷白雲飛相逢却訝鄉音在感舊空憐往事非  
二十餘年重會處線痕猶記別時衣

遠遊

攜書汗漫獨藏名一劍曾為萬里行嶺海生涯嗟泛梗  
江湖踪跡笑浮萍客窗幾對春山色畫舫常聽夜雨聲  
岐路不妨頻買醉異鄉風物最關情

賦得新柳送別

袅娜復娉婷因風不暫停脩眉元自綠媚眼為誰青嫩  
色迷江店輕陰陰野亭隋堤烟漠漠灞岸雨冥冥語燕  
看時度流鶯坐處聽未堪持贈遠離思滿長汀

戴文進畫

雲山何處崑崙扉  
擅幽僻踈林帶長坂  
落葉風蕭索泉鳴萬壑應  
猿響千崖夕時有採芝人  
閑來覓行跡

答郭伯重

商飈振庭柯霜露日淒其  
征鴻正南翔元鳥既已歸  
客心感時序撫景多所懷  
良驥思遠途倦鳥戀舊棲  
物情各有適窮達安能齊  
崑崙石城山可望亦可躋  
桓圭豈不榮所得貴有時  
豈無朱絲絃聆音信寡諧  
感子綢繆意惠我瑤華辭

齋居有懷蘇東衡

閒庭遠塵迹端居澹無營嘉樹結員陰好鳥時和鳴故人隔山岳金蘭念平生豈無新知歡誰能喻中情聆音寡儔侶瑤琴歇芳聲

陌上桑

秦家兒女嬌且妍清曉採桑南陌前珍珠作珮翠為鈿  
攀條拂葉倚婢媚使君從東來五馬何翩翩相逢却恐未相識

關山月

關山月影圓團圓離滄海上又轉青雲端流光下照連營裏征夫思家淚如水遙想家人對月時愁心此際應

千里千里相思各一天清光兩處共依然功成何日報  
天子願得此身如月圓

楊白花

楊白花飄飄無定止隨風搖落恣輕盈一日還須幾千  
里樓中美人雙翠蛾坐對飛花愁思多春光一去愁難  
復鏡裡紅顏將奈何

將進酒

將進酒君莫辭屈原曾作獨醒客湘江千古留餘悲  
勸君酒祝君壽杯行到君莫停手流光奔奔奈爾何昨日  
少年今白首吹竹彈絲魚羔炙牛肴饌肆陳賓主交酬

相逢意氣且爲樂如何不飲令人愁

昭君詞

萬里遠和親辭君敢愛身可憐青塚草猶帶漢廷春

四時詞

東風簾幕曉寒輕垂柳絲絲拂繡楹春睡正濃誰喚醒  
碧桃花底數聲鶯

閒隨女伴鬪新粧採得荷花愛晚涼堤上遊人莫相顧  
孤鴻不是野鴛鴦

霜壓梧桐小院幽芙蓉零落後池秋多情最是鴛鴦鳥  
錦水西風共白頭

金猊香燼夜寒清纖月窺人夢不成試拂銀箋思擬雪  
謝家嬌女最多情

行路難

君不見太行山十步九折何盤盤又不見巫峽水澎湃  
轉石日千里山行艱確水行險誰道人心亦如此與君  
貧賤托相知瀝胆披肝誓不移一朝富貴不復顧對面  
相看若行路烏乎山可陟兮水可舟人情反復令人愁

龍鵲劍歌 并序

理齋公子示余龍鵲劍云洪武中其大父營國  
威襄公為總戎時所被賜者也因為作歌

鉅鋒裁成白鵬尾炯炯芙蓉照秋水想當大冶鼓鑄時  
荒郊夜半啼山鬼寒芒三尺光晶瑩黃金列點排空星  
昆吾莫耶不敢並上有神鵲雙龍形高皇昔日下江東  
親提左右芟群雄斬鯨東海須臾際剝虎南山指顧中  
爾家大父最英武胆氣桓桓壯如虎一朝詔下拜元戎  
紫宸殿前親賜與北平沙漠定神州南勦羣蠻次第收  
山河整頓歸真主茅土分封拜列侯英雄百年今已矣  
神物流傳到孫子寶匣深藏手澤存尚有虹光射雲紫  
由來利器可防身莫倚倥侗輕示人將門他日求良將  
好與皇家清塞塵



雨雪

雨雪正霏霏，千山去路微。  
隨風沾羽旆，帶月映征衣。  
漠地封疆遠，遶城戰馬肥。  
將軍多遠畧，萬里欲乘機。

關山月

迢遞關山月，秋來分外明。  
影連沙上雪，光映柳邊營。  
金柝傳宵警，棘門斷夜行。  
征人愁不寐，萬里正含情。

公子

公子風流白鼻騮，春來看徧上林花。  
幾回半醉歸途晚，笑解金鞭當酒家。

少年行